

Fréttatilkynning



Metafkoma 2007
Hagnaður þrefaldast frá fyrra ári
-arðsemi eigin fjár 44%

Hagnaður Byrs árið 2007 nam 9.614 m.kr. fyrir tekjuskatt en nam 3.200 m.kr. fyrir árið 2006 og nemur aukningin 200,5%. Að teknu tilliti til skatta var hagnaður tímabilsins 7.929 m.kr. í samanburði við 2.676 m.kr. árið 2006. Hagnaður eftir skatta jókst um 196,3% milli ára. Um er að ræða mesta hagnað í sögu félagsins og hefur hagnaður fyrir skatta rúmlega þrefaldast frá fyrra ári. Ársreikningurinn er gerður í samræmi við alþjóðlega reikningsskilastaðla (IFRS).

Á árinu 2006 sameinuðust Sparisjóður vélstjóra og Sparisjóður Hafnarfjarðar en nafni sameinaðs sparisjóðs var síðar breytt í Byr. Reikningsskilalega miðaðist samruninn við 30. apríl 2006. Í nóvember 2007 samþykkti Fjármálaeftirlitið samruna Byrs og Sparisjóðs Kópavogs og reikningsskilalega miðast sá samruni við 1. nóvember 2007. Framangreindir samrunar hafa því veruleg áhrif á samburðarhæfni fjárhæða og hlutfalla áranna 2006 og 2007.

Helstu niðurstöður úr rekstri og efnahag:

- Hagnaður Byrs árið 2007 nam 9.614 m.kr. fyrir skatta samanborið 3.200 m.kr. árið 2006.
- Hagnaður eftir skatta nam 7.929 m.kr. samanborið við 2.676 m.kr. árið 2006.
- Arðsemi eigin fjár var 44% á ársgrundvelli.
- Vaxtatekjur námu 12.996 m.kr. og jukust um 58% frá fyrra ári.
- Vaxtagjöld námu 10.293 m.kr og jukust um 60% frá fyrra ári.
- Hreinar vaxtatekjur námu 2.703 m.kr. samanborið við 1.788 m.kr. árið 2006 og hafa því aukist um 51%.
- Hreinar rekstrartekjur námu 13.885 m.kr. samanborið við 5.502 m.kr. árið 2006 og hafa því aukist um 152%.
- Rekstrargjöld námu 3.455 m.kr. og jukust um 56% frá fyrra ári. Launakostnaður hækkaði um 26% en almennur rekstrarkostnaður hefur aukist um 95%.
- Kostnaðarhlutfall árið 2007 var 24,9% á móti 40,2% fyrir árið 2006.
- Virðisrýrnun útlána nam 817 m.kr. samanborið við 89 mkr. árið 2006.
- Afskriftarreikningur lána og krafna nam í árslok 2007 1,5% af útlánum og veittum ábyrgðum en var 1,0% í árslok 2006.
- Útlán til viðskiptavina námu 117.737 m.kr. og jukust um 61% á árinu.

Tilkynning vegna ársuppgjörs 2007

- Innlán viðskiptamanna námu 70.102 m.kr. og jukust um 50% á árinu.
- Eigið fé í áraslok nam 53.197 m.kr. og hefur vaxið um 39.249 m.kr. á árinu eða um 281%.
- Eiginfjárlutfall skv. CAD reglum er 40,2%.
- Vaxtamunur tímabilsins var 1,9% samanborið við 2,5% árið 2006.
- Heildarfjármagn nam 184.852 m.kr. og jókst um 77% á árinu.

BYR

Tilkynning vegna ársreiknings 31. desember 2007

BYR

-í þúsundum króna-

Rekstrarreikningur 2007

	2007	2006	% Breyting
Vaxtatekjur	12.995.985	8.219.221	58,1%
Vaxtagjöld	-10.292.695	-6.431.484	60,0%
Hreinar vaxtatekjur	2.703.291	1.787.737	51,2%
Þjónustutekjur	842.127	847.941	-0,7%
Þjónustugjöld	-288.381	-169.769	69,9%
Hreinar þjónustutekjur	553.746	678.172	-18,3%
Arðstekjur	128.729	76.593	68,1%
Tekjur af veltufjáreignum	61.455	257.077	-76,1%
Hreinar tekjur af öðrum fjáreignum á gangvirði	5.538.765	440.155	1.158,4%
Hreinn gjaldeyrismunur	243.928	24.052	914,2%
Aðrar rekstrartekjur	4.291.192	106.910	3.913,8%
Laun og launatengd gjöld	-1.453.621	-1.155.056	25,8%
Annar rekstrarkostnaður	-1.940.083	-993.173	95,3%
Afskriftir rekstrarfjármuna	-60.807	-64.511	-5,7%
Rekstrarhagnaður fyrir virðisrýrnun útlána	10.066.594	1.157.956	769,3%
Virðisrýrnun útlána	-816.763	-89.153	816,1%
Hlutdeild í afkomu hlutdeildarfyrirtækja	363.805	2.130.886	-82,9%
Rekstrarhagnaður fyrir skatta	9.613.636	3.199.689	200,5%
Reiknaður tekjuskattur	-1.684.521	-523.391	221,8%
Hagnaður ársins	7.929.115	2.676.298	196,3%
Skipting hagnaðar			
- stofnfjáreigendur og varasjóður	7.929.115	2.661.937	197,9%
- minnihluti	0	14.361	-100,0%

Efnahagsreikningur 2007

Eignir	2007	2006	% Breyting
Sjóður og bankainnistæður	3.611.888	1.451.079	148,9%
Kröfur á lánastofnanir	28.518.770	8.812.690	223,6%
Lán og kröfur	117.737.319	72.988.464	61,3%
Veltufjáreign	5.238.999	5.179.754	1,1%
Fjáreignir tilgreindar á gangvirði	14.345.443	5.647.430	154,0%
Hlutdeildarfélög	3.072.921	7.418.574	-58,6%
Óefnislegar eignir	4.756.197	1.508.546	215,3%
Rekstrarfjármunir	1.859.428	771.609	141,0%
Fjárfestingafasteignir	1.429.426	165.250	765,0%
Aðrar eignir	4.282.090	245.089	1647,2%
Samtals eignir	184.852.481	104.188.485	77,4%

Skuldir og eigið fé			
Innlán frá lánastofnunum	10.827.527	8.335.902	29,9%
Innlán	70.102.064	46.837.836	49,7%
Lántaka	41.540.666	30.020.742	38,4%
Víkjandi lán	2.256.441	1.567.916	43,9%
Lífeyrisskuldbinding	1.170.380	923.134	26,8%
Skattskuld	3.477.117	1.609.640	116,0%
Aðrar skuldir	2.281.341	945.461	141,3%
Eigið fé	53.196.945	13.947.854	281,4%
Skuldir og eigið fé samtals	184.852.481	104.188.485	77,4%

	2007	2006
Eiginfjárlutfall skv. CAD	40,2%	14,3%
Arðsemi eiginfjár (á ársgrundvelli)	44,0%	18,0%
Vaxtamunur	1,9%	2,5%
Afskriftir sem hlutfall af útlánum	1,5%	1,0%
Stöðugildi í árslok	224	169
Innlánsaukning	49,7%	18,60%
Útlánsaukning	61,3%	25,20%
Kostnaðarhlutfall	24,9%	40,20%

Grundvöllur reikningsskila

Ársreikningurinn er gerður í samræmi við alþjóðlega reikningsskilastaðla (IFRS) eins og þeir hafa verið samþykktir af Evrópusambandinu.

Helstu niðurstöður úr rekstrar- og efnahagsreikningi

Hagnaður Byrs árið 2007 nam 9.614 m.kr. fyrir tekjuskatt en nam 3.200 m.kr. árið 2006 og nemur aukningin 200,5%. Að teknu tilliti til skatta var hagnaður tímabilsins 7.929 m.kr. í samanburði við 2.676 m.kr. árið 2006. Hagnaður eftir skatta jókst því um 196,3% á árinu.

Vaxtatekjur 2007 námu alls 12.996 m.kr. og jukust um 58,1% á árinu. Vaxtagjöld jukust um 60% og námu alls 10.293 m.kr. Hreinar vaxtatekjur námu 2.703 m.kr. en voru 1.788 m.kr. árið 2006. Vaxtamunur, þ.e. vaxtatekjur að frádregnum vaxtagjöldum í hlutfalli af meðalstöðu heildarfjármagns, var 1,9%, en var 2,5% árið 2006. Hreinar þjónustutekjur, þ.e. þjónustutekjur að frádregnum þjónustugjöldum námu alls 554 m.kr. samanborið við 678 m.kr. árið 2006. Hreinar tekjur af fjáreignum á gangvirði námu 5.539 m.kr. árið 2007 en námu 440 m.kr. árið 2006. Hlutdeild í afkomu hlutdeildarféлага námu 364 m.kr. og drógust saman um 83%. Aðrar rekstrartekjur námu 4.291 m.kr. samanborið við 107 m.kr. árið 2006.

Tilkynning vegna ársuppgjörs 2007

Laun og launatengd gjöld 2007 námu 1.454 m.kr. en fyrir árið 2006 námu þau 1.155 m.kr. sem jafngildir 26% hækkun. Afskriftir rekstrarfjármuna námu 61 m.kr. sem er 6% lækkun. Annar rekstrarkostnaður nam 1.940 m.kr. samanborið við 993 m.kr. árið 2006 og nemur aukningin 95%. Rekstrargjöld námu samtals 3.455 m.kr en námu 2.213 m.kr. árið 2006. Rekstrargjöld sem hlutfall af meðalstöðu efnahags voru 2,39% á ársgrundvelli og hefur það hlutfall lækkað þar sem það nam 3,1% árið 2006. Kostnaðarhlutfall var 24,9% en var 40,2% árið 2006.

Virðisrýrnun útlána nam 817 m.kr. árið 2007 en rýrnunin nam 89 m.kr. árið 2006 en það ár voru teknar í notkun nýjar reglur við útreikning á virðisrýrnun í samræmi við alþjóðlega reikningsskilastaða (IFRS). Afskriftarreikningur útlána nam 1.757 m.kr. sem er 1,5% af heildarútlánunum og veittum ábyrgðum, en var 1,0% í árslok 2006.

Efnahagur

Útlán til viðskiptavina námu 117.737 m.kr. og hafa aukist um 61% á árinu. Helstu útlánaformin eru verðtryggð lán, gengistryggð lán og reikningslán. Veltufjáreign nam 5.239 m.kr. og hefur aukist um 1% frá fyrra ári. Fjáreignir tilgreindar á gangvirði námu 14.345 m.kr. og hafa aukist um 154% frá fyrra ári. Hlutdeildarfélag namu 3.073 m.kr og hafa dregist saman um 4.346 mkr. frá áramótum eða sem nemur 59%. Í nóvember seldi Byr rúmlega 30% hlut í Icebank og eftir söluna á Byr 5,4% hlut í bankanum. Öll eign Byrs í skráðum verðbréfum var færð á markaðsgengi. Fjárfestingareignir og aðrar eignir námu 5.712 m.kr.

Innlán viðskiptamanna ásamt lántöku námu 111.643 m.kr. samanborið við 76.858,6 m.kr. í árslok 2006. Innlán viðskiptamanna námu 70.102 m.kr. og hafa aukist um 50% á árinu. Lántökur námu 41.541 m.kr. samanborið við 30.021 m.kr. í árslok 2006 og hafa aukist um 38%. Heildarfjármagn í árslok nam 184.852 m.kr. og hefur aukist um 80.664 m.kr. á árinu eða um 77%.

Eigið fé

Eigið fé Byrs í lok árs var 53.197 m.kr. og hefur vaxið um 39.249 m.kr. á árinu eða um 281%. Arðsemi eiginfjár á ársgrundvelli er 44,0%. Eiginfjárlutfall samkvæmt CAD-reglum var 40,2% en var 14,3% í ársbyrjun. CAD-hlutfall má ekki vera lægra en 8,0% samkvæmt lögum. Stofnfé var aukið í tvígang á síðastliðnu ári. Samtals var gefið út nýtt stofnfé að söluverði 26.697 m.kr. Mikil eftirspurn var í báðum útboðunum og seldist allt útgefið stofnfé. Í kjölfar útboðanna hefur eiginfjárstaða og lausafjárstaða Byrs styrkst.

Horfur fyrir árið 2008

Rekstur Byrs gekk mjög vel á árinu 2007 og er hagnaðurinn langt umfram áætlanir. Er um að ræða mesta hagnað í sögu félagsins og hefur hagnaðurinn ríflega þrefaldast frá fyrra ári. Í áætlunum Byrs fyrir árið 2008 er gert ráð fyrir ágætri afkomu að teknu tilliti til erfiðra markaðsaðstæðna á fjármálamörkuðum almennt. Byr býr að sterkri lausafjárstöðu og góðri afkomu undanfarinna ára auk nýafstaðinna stofnfjáraukninga sem hafa styrkt eiginfjárstöðu Byrs umtalsvert. Byr er því vel í stakk búinn til að takast á við krefjandi aðstæður á mörkuðum. Fjármögnun Byrs er traust og endurfjármögnunarþörf ársins 2008 er óveruleg. Byr mun sem fyrr leggja áherslu á að uppfylla margvíslegar þarfir viðskiptavina sinna með persónulegri og sveigjanlegri þjónustu þar sem byggt er á trausti og trúnaði.

Samrunar

Þann 27. júní síðastliðinn skrifuðu stjórnir Byrs og Sparisjóðs Kópavogs undir áætlun um samruna sparisjóðanna. Samruninn var síðar staðfestur af stofnfjáreigendum beggja sparisjóðanna og hinn 14. nóvember síðastliðinn veitti Fjármálaeftirlitið samþykki fyrir samrunanum. Beðið er eftir afgreiðslu Samkeppniseftirlitsins.

Þann 6. febrúar 2008 veitti Fjármálaeftirlitið samþykki fyrir kaupum Byrs á rekstri Verðbréfabjónustu sparisjóðanna og hefur starfsemi félagsins runnið inn í verðbréfasvið Byrs. Beðið er eftir afgreiðslu Samkeppniseftirlitsins.

Þann 3. október 2007 skrifuðu stjórnir Byrs og Sparisjóðs Norðlendinga undir áætlun um samruna sparisjóðanna og hefur samruni sparisjóðanna verið samþykktur af stofnfjáreigendum beggja sparisjóða en beðið er staðfestingar Fjármálaeftirlitsins og Samkeppniseftirlitsins á samrunanum.

Nánari upplýsingar veita:

Ragnar Z. Guðjónsson og Magnús Ægir Magnússon sparisjóðsstjórar, sími 575-4000.